



PAMFLET

1487





GHESPRAECKE
VAN LIEF-
HEBBERS DES
GHEMEYNEN NVTS.

Die ghesocht vverden inde Steden *Opinio* ende *Sa-
pientia Humana*: maer ghevonden vverden in
het veracht Dorpken *Veritas*.



Ghemacēt inden Iaere 1577. ende ghedruct
int laetste van December, Anno 1608.

150

1487

Totten Lesers.

Dit cleyn tractaetken handelende van
de ware Lief-hebberen des gemeenen
Nuts / is in gheschryfte ghestelt inden
Jaere vijftchien-hondert seven en t'se-
ventich / ontrent een halff Jaer naer
de Gentsche Pacificatie / ende heeft tot noch toe
verdruckt ghelegghen / Maer want my t'selve nu
ter handen is ghecomen / heeft my goet ghedocht
t'selve deur den druck ghemeen te maecken / ende
u luyden daer mede te vereeren tot eenen nieuwen
Jaere / ter ghedachtenisse vanden ghenen die't ge-
maeckt / ende my eertijs gheschoncken heeft / vint
ghy daer wat goets inne / doeter u profijt mede
ende vaert wel. Inden Haghe desen twee en twin-
tichsten Decembrys Anno sestiien-hondert ende
acht.

V. E. dienst-bereyde

P. Bor.

Gedrukt in den Jaere 1577. ende gheschryft
in Jaere van Decembor Anno 1608.


GESPRAKE VAN LIEFHEBBERS DES GEMEYNEN NVTS.

PERSOONEN.

Gevaer Hulp-soeck Legaet, vvtghesonden van een Heer ghenamt
Aristarchus, Heer tot *Voelsmert vander lants noot*, Gou-
verneur ende Stadthouder Generael van *T'gemeen beste*.

Ian, de Hertoghe,
Eersucht, Amman, Hofmeester,
VVerner Bugens vander Const, Edelman,
Geerhart Coopman, Merdangher,
Coen Rijckaert Bouman, Cock,
Meynaert Bischoep,
Kersten Goedaert vergheten Burgher,
Zophia zijn Huysvrou.

Gevaer Hulp-soeck legaet.

 Goede Godt wat goeder Heer dien ick / wat
mochten meer goets wenschen booz dic lant / dan
dat hy veel dienaren hadden hem in goetheyt ghelijck
zijnde: als anderen / aenden stier banden Schepe des
gemeenen nuts sittende / heele nachten over dincken /
ende des ghesontheit van lijff ende sinnen crincken / ende des
bolcx noot vergetende / alleen op hoor wellust dincken: Soo sie ick mijn
Heer dickmael / cranch zijnde door onophoudelijcken arbeit ende slaes-
peloose sochbuldicheydt / hem selve noch meerder swacken / om t'ghe-
meen best te moghen stercken besorghen / beplighen ende bypen: men
seft ghemeenlyck soo de Heer is soo zijn zijne Dienaren / ist dan niet
wonder dat dese soo bekende vermaerde ende Landnutte doechde
mijns Heeren / soo luttel nabolghers can becomen / hy slacht die kaerse /
diemen door zijn lichten anderen nut zijnde / haer selve siet verteren / ver-
teert /

A ij

teert zijn goet/bloet/ ende sinnen vooz t' ghemeen goet: maer meest elck
steelt / rooft ende verniet het ghemeen goet / om hem selve rijck ende
machtich te maecten / is dat niet een claechlijck jammer? dit bevinde
mijn Heer niet van hynden off gister/maer nu al van over langhe Jaer-
ren / sonder dat nochtans des volcx ondancbaerheyt/nochte veler on-
trouwicheyt vermach te vertragen zijn stadighe lieffde tot het gemeen
beste / die my daghelick wesen aen allen hoecken om ghetrouwe hul-
pers te soecken / soo hy nu noch seggentwoordelijck doet / wie soude sich
niet verwonderen van soo stantvastighe Lieffde / wie moet niet prisen
sulcke sochbuldighe moeyten? wie behoort niet te lusten die lofflijcke
weladichent nae te volghen? Maer waer brenghet my mijn gedachte?
wie doet sulcx? weynich / O seer weynich Menschen / t' gheschiet altyt
meest dat minst behoort / daerom heeft mijn Heer vrome luyden ghe-
breck/dit weet hy/dit bedroeft hem/dit gaet hem soo ter herten / dat hy
al hynden ten clocke drie (als elck noch lach en droomde) my dede ha-
len ende in zijn Camer leyden/daer hy my desen Brieff gaff/met eriste-
lijck bevel nergens te rusten tot dat ick ghevonden sal hebben/soo vele
Menschen / als ick weet te belopen / die ware lieff-hebbers zijn van't
ghemeen beste/dats nu mijn booschap/ Mae sulcke luyden soecke ick/
ende om die te moghen soecken daer sy zijn / oock om die ghevonden
zijnde te kennen/hebbe ick bericht ontfanghen/oock desen openen brieff
aen soodanighen Menschen houwende/inde groote Stadt ghenaeint
Opinio sal icker vele binden (seft mijn Heere) die't Meesterlijck schij-
nen/maer weynich off gheen die't zijn/Inde Stadt Sapientia humana
soude icker binden die't om hen selfs willen noch wel begeeren te hel-
pen/Maer daer is een veracht Dorphen ghenaeint Veritas/daer soude
icker al ghewis eenighe oprechte binden/doch nademael men door de
Stadt Opinio/ als men den rechten wech hout/so wel comt tot het voorsz
Dorphen/ghelijck als men daer door gaende oock door den lincker aff-
leydende wech gheraecht tot der Stadt Mendacium/soo wil ick in dese
Stadt nu vooz mijn ooghen wesende/ oock treden inden vernaemsten
Herberghen om te hernemen off ick daer eenighe soodanighe luyden
can binden: ende voorts door wandelen nae t'voorszreven Dorphen
waerts/hola:wat sie ick hier wthanghen? dit moet bylo gheen Catho-
lijcke Stadt zijn/want hier hanght upt een vermomde Jouvrou ghe-
naemt Jouvrou Hypocrisis/dit schijnt/aende menichte van heerlijcke
Wapenen die vooz aen de gevele staen/een vermaerde Herberghe daer
groote Hanssen Herberghen/ ick wil hier inne treden ende bragghen off
pemanant hier sy aen wien dese mijnen opene Brieff is houdende. Wat
ou/t'voorzhuys is ledich van luyden/ick hoor volc inde Camere/t'schijnt
noch

noch maeltijt te zijn / ick wil binnen treden / Ick wil hier versoecken
oft luyden zijn die ick soecke / de tijt is ghetrefte / fruyt is op den Disch /
de maghe is ghestelt / die mont heeft ruimte om te spreken / ick wil
henluyden groeten.

Hier sit ee
groot
hans / die
veel Edels
luyden en
Dienaren
ter tafes
len dies
nen.

Edele / vermoghende / wijse / vrome discrete Heeren / Godt zeghene u
maeltijt / ende bidde dat D G. bescheydenheyt die vroom incomen mit
goede wil nemen van my / die soo Leersen ende Sporen betuyghen /
in haesten come omme te vinden soodanige luyden als d'opschryft van
dese opene credentie Brieff met brenghet.

Eersucht Amman.

Reyck hier den Brieff goede Man / ja vrient ghy hebt hier de luyt
den soo recht ghetrefte dat hier niemant inder Cameren en is aenden
welcken dit opschrift niet en houwet / Dat luyt alsoo. Aen allen Hooch-
gheboren, Welghebooren, Gestrengen, Edelen, vromen, gheleerden, ver-
standighen ende waerachtighen Lieff-hebberen van't ghemeen beste.

Hy leest
d'opschrift
binnen
s'monts.
Opschrift
des
Brieffs.

Legael Ghevaer Hulp-foeck.

Is dat sulcx / soo ben ick hier ghestiert door den Enghel Tobie selbe
ende dat gheheel teghen t' vermoeden mijns Heeren / die my seyde dat
ick soodanighe luyden weynich soude binden in dese Stede.

Ian de Hertoghe.

Wie is u Heere brunt?

Legael Gevaer oft Noot Hulp-foeck.

Dat is / Heere / de Prince van Phil : Stadthouder Generael van't
ghemeen beste.

Ian de Hertoghe.

Hem kennen wy wel Gode / ghy zijt hier te recht gecomen / ende sult
met vruchtbare antwoorde u Heere spoedelijck moghen verblijden /
leest op den Brieff Amman laet ons d' inhouden hooren.

Eersucht Amman.

Ick doet mijn Heere. Allen waeren Lieff-hebberen van't ghemeyne
beste van Hooghen oft Nederen state ontbieden wy Voelsmert vander
Landts noot / Stadthouder Generael van't ghemeen beste / elck naer
zijnder waerden Saluyt. Doende claechlijcken te weten / dat het Ghe-
meen beste der Nederlanden / door Godes seggen / ende Lantzaten ver-
nuftighe neersticheyt / in Coop-handel ende Handt-wercken / geraecte
zijnde tot sulcken welbaren en Rijckdom / dat die selve een begeerlijcke
aenlocrele gheworden was bander Spaenscher giericheyt / welker on-
versadelicheyt niet het behoorlijcke deel niet vernoeghende / daer door
ontstecken is gheweest / om t' gheheel op te slocken / ende dat niet sulcher

Inhoud
des
Brieffs.

Al ij

blinder

blinder biericheyt/dat sy dupsent listen ghesocht hebben om die Rijcke
Landen te brenghen tot oproer / ende dan onder d'ysel van conquesten
de Landen van allen heuren Rijckdom ende bypheyden te berooven/
waer dooz sluyden t selve met heur felle Tyrannie lange Jaeren met
bloedighe Placcaten in ghelooffs dwang / wreedelijcken versocht heb-
ben/maer bevonden sulcx al vergheefs te zijn / overmits die verdruckte
Nederlanden/ dooz een natuerlijcke reberentie tot heur Lants-heeren/
sich selfs ende by alle behoozen sich ootmoedelijck vernederden/ onder
sulcke nieuwe wreetheyden tegen allen oude ende lofflijcke gebuycken
der selver Landen wesende / sulcx dat sy met een ongheloofflijcke lij-
saemheyt/ soo grouwelijcke bloetstortinghe aenden besten luyden/we-
sende heure Ouders / Vrienden / ende Maghen troerichlijcken ghe-
doochde / also sulcke form becleet was metten goeden schijn van Gode-
vuchticheydt ende lieffde totte salicheydt vander Ondersaten sielen/
t welck ghemerckt zijnde byde heete gelsucht van die hoobaerdighe
natie / heeft alle schaemte ende schijn van doechden ter zijden stellende/
dooz des Tyrans van Alva verwaende vermetelheyt soo onbeveynsde-
lijcken haer Tyrannische giericheyt ontdeckt / dat sy met thierende pen-
ninghen/met Inquisicien ende met een bloedige bloet-raet/ende anders
soo openbaerlijcken als gheweldelijcken/gepoocht heeft alle die Rijck-
dommen der Nederlanden inne te schrapen/ alle Privilegien ende byp-
heyden te scheuren/alle oude ende lofflijcke gewoonten wech te nemen/
ende alle den Lant-saeten der Spaeniaerden Slaven te maecten/dat
die hooft Edelen / oock die Prelaten ende Staten vanden selven Lan-
den/der selver soo Tyrannische ende openbare verdruckinghe/niet lan-
gher behoudens heur eedt ende eere/hebben moghen al swijgende aen-
sien ende lijden / dat die Schaepkens / henluyden sochbuldighen op-
sicht bevolen/alsoo van die Spaensche Wolven(niet gheschozen)maer
verschoot ende verbeteret / ende henluyden gulden Vliesen henluyder
grondeloose Rooffgiericheyt tot een buyt souden werden. Des sy ghe-
nootsaecht zijnde om niet troulosich voor Gode / meynedich aenden
Landen / ende eerloosich voor allen volcken off der Spaeniaerden el-
lendige Slaven off arm te werden/dooz t aenbaerde van ee rechtebaer-
dich Oorloch / vander hoochster noot een deucht ghemaect hebben/
ende boven sulcke eeuwighen Slavernije/een lofflijcke ende bestendighen
bypheyt verkozen / Omme waer toe te comen sluyden ende oock wy/
welverstaende dat Godt ghemeynlijck wercket dooz goede middelen/
die wy in desen weten te zijn Raet-wijse vrome ende getrouwe Man-
nen/die der Landen boven haer eyghen welbaren met raedt ende daet
lijff ende goet behertighen/lieben/soecken / ende borderen in allen saec-
ken/

ken/Van welcke lieff-hebberen des ghemeynen Ruts/ insghelijcx van
Penninghen wy minder/dan ons noodich schijnt/voorzien zijn/omme
bequamelijcken die Spaensche Tyrannen te weeren/wt alle dese Lan-
den/ende die van Godt ghesondene vrede soo waerdelijck te handelen/
dat sy langhe tot der Landen welbaren in alder bepliche by ons soude
moghen blyben. Soo is onse dienstelijck/vruntlijck ende hertelijck be-
geeren aen allen sulcken luyden / dat sy eerst-daechs comen willen bin-
nen den Landen van onsen Gouvernemente / omme nae alle henluy-
den vermoghen (soo haerluyden wijsse lieffde t selve hen sal leeren) t ge-
meen beste te helpen vorderen / int stijven stercken ende helpen vande
Lant-saeten / ende crencken vanden Tyrannischen vreedelighen.
Ende dat met liefflijcke eendracht te saepen onder den ghemeynen volc-
ke/met volcomen wechninghe van alle hatelijck mistrouwen onder
den grooten / met voorsichtighe voorraet teghen den bedriechelijcken
laghen van allen argelistighen schalcken/die niet en rusten hoor ghe-
win te soecken met het ghemeen verderben/ende met nilde handtreps-
kinge aen den collega van dese onsen Ghesante ghenaeamt Schattinghe/
u lieden allen ende een yeghelijcken van u lieden/elck na zijnen state be-
lobende ende verskerende soodanighen eerlijcken onderhout / met soo-
danighe trouwe bescherminghe (met Gods hulpe) dat ghy die ghe-
wenschte vyphet welbaren ende neeringhe sult moghen behouden
tot sehande ende spot vande Tyrannische belaghers der selver/als ghy
self met reden sult willen begeeren/ende versoeken / daer beneven dat
D. E. den brengher deses onsen lieben ende ghetrouwen ghesante Noot
oft Ghevaer Hulp-soeck / gheloobe wilt gheben int vorder verclaren
van onse meeninge/daer aen ons sal gheschieden vrientschappe die wy
in ghelijcke saecken te verschulden bereyt zijn. Ghegheben in onsen
flote van Sorchvuldicheyt inden vijffden Jaere van onsen Gouverne-
mente/des Jaers ons Heeren vijftien-hondert seven ende t seventich
den seventhienden Junij / Onder onsen hant-teecken ende zeghele ter
saecken hier beneden aen hangende. Dat is t inhouden des Brieffs/
ende condt daer upt verstaen of die Brieff aen pemanden alhier zijnde
is houdende.

Ian de Hertoghe.

Ja. Die Brieff hout opentlijck aen ons en brenget goet beschept me-
de/behalven alleen datter op't laetste wat is versuymt/ t welck my/die
anders gantsch bereyt soude zijn/metten mijnen daer te trecken ende de
begeerde hulpe volcomentlijck te betoonen/onlustich maectt soodani-
ghen moeyten te aenbaerden.

Legact

Legact Gevaer Hulpfoeck.

Machmen niet weten mijn Heere/wat dat sy?

Ian de Hertoghe.

Ia wel vrynt. Die belofte van't eerlijck onderhout is al te flecht daer ghestelt: daer moesten al merckelycke sommen op de handt zijn/ dock mostmen al wat anders beloven / ende daer by oock al ander verseeckerheyt van't belooffde doen/so penant niet geck zijnde/derwaerts soude reysen. Stelt den goeden Man aen een disch ende doet hem goede chiere.

Legact Gevaer Hulp-soeck.

Vaerom en come ick niet hier mijn Heere/ick dancke u Edelheyden ende gae mijnder vaerden / want my dunckt niet dat mijn Brieff hier ter rechter handen is ghecomen.

Meinaert de Bischoep.

Neen so niet Wode/daer doeldy grofflijcken / wy zijn al t'samen soodanighe luyden als t'opschryft aen is houdende.

Noot Hulp-soeck.

My dunckt het binnenste mijns Brieffs gheheel anders luyt / dan de woorden van desen Heere self zijn. Nu wytbeelden / daer inne niet alleen/dat zijn E.loon boven reden/ maer oock dat de selve eenich loon begheert/want hy schijnt Rijck ghenouch op zijnen costen t'ghemeen Put te dienen / dat is dat die Rycke soon voede zijn oude arme Moeder t'ghemeen beste die hem rijck heeft ghemaect.

Meinaert de Bischoep.

Een woort qualijck verstaen zijnde/is gheen ghenoechsame ghetuyghe van soodanigen Heere/dien wy al t'samen weten dat hy zijn gantsche leven/tijt/sinnen ende verstant besteet tot het welbaren zijnder ondersaten.

Noot oft Ghevaer Hulp-soeck.

Waer my t'by sprecken gheoorloft/ ick soude niet redene daer aen connen twiiffelen/maer wat hangt u mijn Heeren aen mijn sprecken? soo dunckt my oock niet dat ick hier te recht ben / dus wil ick mijnen Heeren Gode bevelen ende elders gaen sporen nade rechte luyden.

Ian de Hertoghe.

Neen vrynt/ghy zijt te rechte gaet niet wech/ spreekt dat u goetdunckt/ t'sal u al wel afghenomen werden/laet hoozen u twiiffele niet redene.

Noot oft Ghevaer Hulp-soeck.

Gaerne mijn Heere nu D.E.dat gheliefst / ghy zijt Heere mede een litmaet

litmaet aen t'ghemeyne Lichaem/ elck ghesont ofte sieck litmaet helpt
het ander sieck oft swack litmaet sonder op sien van eyghen baet/ maer
alleen op dat sulck becommert litmaet ontlast/ ende t'gantsche Lic-
haem gheholpen soude moghen worden/ als oft wel verstant dat des
gantschen Lichaems welbaren/ oock t'welverbaren is van elck lit by
sondere.

Eersucht Amman.

Daer dooldy dubbelvout Legaet/ want mijn Heer is gheen litmaet
aen t'lichaem/ maer t'hoofd op het Lichaem/ oock weet gheen l tmaet
van eens anders litmaets wel oft qualijck baren/ maer t'hoofd weet dat
alleen/ als alleen niet verstant ende redene vereedelt zijnde.

Legaet Gevaer Hulp-soeck

Dole ick mijn Joncker/ dats mijn eerste niet/ ende ducht ten sal oock
mijn laerte niet zijn/ maer ick meynde dat levende litmaten ghevoelen
hebben/ ende t'hoofds weten ghemeten/ int helpen van malcanderen/
oock waende ick dat keyseren selve mede litmaten zijn (hoe wel groote)
vant Republijck der aerden/ daer over de Rechbaerdicheyt alleen
t'hoofd ende ghebielt-sterre behoort te zijn. Seght ghy my mi ghelie-
bet u/o hoofd van Volcken/off ghy t'lichaem ghebruyckt om uwen/off
u selve om des Lichaems wille/ ick meyne/ Off ghy t'lichaem doet ar-
beyden ende Slaven om u lusts willen: dan off ghy u hersenen niet
sochbuldigher ghedachten vermoeyt om des gantschen Lichaems
rusts willen?

Iohan de Hertoghe.

T' minste is om t'meeeste t'meeeste niet om t'minstens wille.

Legaet Gevaer Hulpsoeck.

Soo is dan mijn Heere om t'volck willen/ ende t'volck niet om mijns
Heeren willen/ want het lichaem is meerder dan t'hoofd.

Iohan de Hertoghe.

Soo ist/ maer t'hoofd is waerder dan t'snoode ende dienstbare lic-
haem.

Legaet Gevaer Hulp-soeck.

Is dat niet onder allen dingen het waerste daer meest nits aff comt?

Iohan de Hertoghe.

Iae brunt/ hier zijdy teghen u selff/ comt van t'hoofd niet meerder
nits dan vanden Lichame: zijn (behalven t'ghevoelen) de andere vier
edelste sinnen de Goddelijcke redelichheyt ende heylsamen verstandelic-
heyt niet inden hooffde? welck nuchterheyt int recht ghebruycken de

gansche Komp des dienstlijck lijfs gheniet ende deelachtich wert /
is dan t'hoofst niet het waerdste deel des Lichaems?

Legaet Gevaer Hulp-soeck.

Ja voorwaer alst wel ghebiet/ maer dit geschiet niet daer des hoofts
onbescheydenheyt arbeet om doort tot sich trecken van't noordzuchtich
voetsel der leden / hen selve willende groot maecten den leden verdor-
ret / ende sich selfs groff opblasende als een Bodd / lelijck doet swellen /
daer't om te versaden / een onversadelijcke verbeeldinghe van wellust/
den lendenen/wacket ende t'merch wten Dijen distileert / daer't om
de herten van een onbillicke toorn te vercoelen/eenighe ghesonde litma-
ren vyantelijck aff doet houwen / off daer't met ontreckinghe banden
bloede wten aderen vanden hant inden arm/ den hant doet verdwijnē/
ende in den arme een verderfflijcke apostumie doet rijzen.

Iohan de Hertoghe.

Dats al t'samen alsoo/maer soodanighen hoofst en ben ick niet.

Legaet Gevaer Hulp-soeck.

Met oorloff mijn Heere/zijdy hoofst ghebooren off ghecooren?

Iohan de Hertoghe.

Ghecooren.

Legaet Gevaer Hulp-soeck.

Teghen/sonder/off doort u begheeren mijn Heere?

Iohan de Hertoghe.

Doort mijn begeeren / als die nu wiste dat Godt my begaest hadde
met wijsheyt ende liefde ten ghemeynen Nut / daer doort ick niet wil-
lende sulcke gaven vruchteloos begraven / lust hadde om daer met
den ghemeynen volcke te dienen/als die niemant boven my bequamer
daer toe en sach.

Legaet Gevaer Hulp-soeck.

Moghelijck Heer doort de Wille van mijn Joffroutwe Philautia /
t'mach oock zijn dat mijn Heere de Diogenesse Lantaerne niet reche
en heeft ghebruyckt int soecken nae soodanighe luden / maer is mijn
Heere ghecooren ende tot een hoofst aenghenomen/dat is dan gheschiet
op seckere voorwaerden / daer by t'volck eenighe vysheden ende ghe-
rechticheden bedonghen ende aensich ghehouden heeft.

Iohan de Hertoghe.

Zoo ist troutwen.

Legaet Gevaer Hulp-soeck.

Verdy sulcke beloften altyt trouwelijcken onderhouwen?

Iohan

Iohan de Hertoghe.

Ia soolanghe t'volck my onderhielt henluyden belooffde onderdanicheyt.

Legact Gevaer Hulp-soeck.

Ich wil nu niet segghen by tijden wel te ghebeuren dat eenighe Lants-heeren selfs wat te gontstighen Rechters zijnde in hoor eyghen saecke/den ondersaten t'crisem van Lese Maecte opleggghen/sonder saecke/Item datmen soo begheerlijck verlanghet om t'volck schuldich te maecten: Ja datmer selfs oorsaecken toe gheeft dooz bedeckte twist-sapinge onder den ondersaten oock Steden tegen malcanderen/omnie alsoo met het deel bande rijckdommen ende vryheyden niet ghenoeghende/alle des volcx vryheyt ende rijckdom tot sich te trecken/ich stel mede ter zijden dat de Princen veelmael wt lust om een hoochmoet te wrecken/off in prachtich Hoff-houwen allen omlegghenden Princen te bobē te gaen / den armen Onderfaten berooben/schatten/scheeren/ia villen ten beene toe / ende met onlijdelijcke lasten oorsaecke gheven tot opzoeren. Soo laet ick oock staen dat de wraeckgierighe toorn onder eenen doechdelijcken schijn veelmaels t'gantsche lant bloedich maect dooz t' dooden van meenichte onschuldighen ondersaten: ende maecte nu oock gheen verhael van sulcke onmatighe milcheyt eniger booszy dat sy dickmael dooz eene ghesochte oorsaecke machtighen rijckdommen den getrouwen ondersaten benemen / ende die verschencken aen Tyrannen/Pluymstrijckers / Schalck-narren / Hoeren ende andere verderbers der Princen: van alle dese saecken wil ick nu niet een woort aenroeren wel wetende dat het verhael ende bewijs van dien tyden ghemenen Heeren niet min hatelijcken dan onvrychtbaer is: Maer dat moet ick nu segghen dat ick niet en soecke sulcke Heeren / want die hen Heerschappie aenbaerden om hoor eyghen (doch valsche ghewaende)nut/daer in ghelegghen/dat sy na lust moghen ghebieden/hoor Vrynden goet doen/die sy haten quaet doen/niemanden vreesen / ongestraft desen t'zijn te nentien/dien dat een anderen toehoort te gheven / te Vliegghen/te Jagghen/te Vrouwieren / Bancketteren ende in summa te leven na hoor (ontwijse) wenschen tot last verdriet ancx ende ianimer banden ondersaten/welcker welbaren sy niet en beminnē noch soecken alsoo sy t'volck niet en achten dan als Honden / Voghelen / Esels ende Paerden tot henluyden Nut/dienst ende lust gheschapen te zijn/ Neen soodanighe Heeren en staen in mijn Brieff niet beschreven ende en soecke die daerom oock niet: maer soecke Heeren welcker hoochste lust is den volcke tot verstant / rechtveerdicheyt / maticheyt ende tot allen

anderen denckden aen te voeren/ ende soo door verbeteringhe der menschen het ghemeeen best te verbeteren/ als die gheen hooger lust en heeft dan in grootwoordinge zijnder ondersaten/ welcker welbaert en Rijckdommen hy de zijnen achtet/ ende verde boven den zijnen lievet ende benaersticht/ dit zijn Heeren die hoor ondersaten houden niet voor Slaven/maer voor henlynden vrye ende lieve kinderen/dit zijn gheen verflinnende Wolven/maer sochvuldighe Herders der Schapen/die daer inne henlynden grootste eere achten ghelegghen te zijn/ dat hoere Schapen rupch van wolse/ghesont/sterck/bet ende welbarende zijn/ ende op goede weyden veplich hoor voetsel nemen.

Ian de Hertoghe.

Geck/geck/dats geckernij/ende een geck Lants-heere die soo is.

Legaet Gevaer Hulp-soeck.

Dats een wijs ende oprecht hooft/die soo is.

Ian de Hertoghe.

Sulck Prince waer eer een arm Slave te noemen dan een Lantsheere.

Legaet Gevaer Hulp-soeck.

Sulck Prince is een recht Prince ende vry Heere/wiens Scepter off macht leyt op zijn selfs(niet opte armer ondersaten)schouderen.

Iohan de Hertoghe.

Dat heet ghy een Heer te zijn/ende ick houde dat voor een knechtelijke dienstbaerheyt.

Legaet Gevaer Hulp-soeck.

Dat is die meeste Heere die den meesten Menschen dienst ende Nut doet buyten penants last off schade/ ende sulck hooft is waerdigher edelder ende beter dan t'gheheele groote Lichaem/ hoe cleyn dit hooft daer segghen schijnt/ want van sulck hooft comt die waerdichste nutbaerheyt.

Iohan de Hertoghe.

Soude dat Heerschappen zijn? dats (segghen ick noch) niet dan dienen/soegghen arbeiden niet hert hooft ende sinen/ ende dit noch voor een ander/wanneer soudet dan eenighen lust ghenieten?

Legaet Gevaer Hulp-soeck.

Wel Heerschappen en is gheen spelen gaen/wie zijn lust soeckte meer dan s'volck Nut/die heeft hen selve niet het volck lieff/dese lynden soeckte ick niet/ maer soodanighe Princen die in s'volck verbeteringhe soo haer lust soecken/ dat sy gheen Arbeyt/ moeyten/ noch swaricheden ontfien

ontfien/alleen op dat het volck denichdelijck/onbehouftich ende rustich
soude moghen worden ende blijven/daer sulcke Princen in sulcken Aer-
beyt vlijtich volherden/geeft oock de opperste goede Prince zijn zeegen/
sulcx dat de vruchtbare ende ghewenschte wasdom van s'volcx verbee-
teringhe desen Prince niet sulcken Edele Goddelijcken ende heylsa-
men luste stadelijcken verbullen ende verblijden.

Eersucht Amman.

Dat zijn droomen / alle lieffde des Menschen begint aen den Men-
sche selve/wie hem self niet nut is niet het benaerstighen van rijkdom
macht en wellust/hoe can die een ander nut zijn? mijn Heer heeft reche
ghesept dat sulck Lants-heere als ghy soeckt een geck soude zijn / want
dese soude moeten al zijn eyghen nut ende lust versipmen/ia hem selfs
berderben om zynder ondersaten nuts willen / dat en ghebiet ons de
Heere niet daer hy seyt / hebt u naeste lieff als u selve / hy seyt daer niet
meer dan u selve/dus spreckt ghy teghen die heylighe Schrift/oock te-
ghen de redene ende versiert een spottelijck Ideam Platonis / want ick
houde onmoghelijck dat eenich Mensch een ander liever mach heb-
ben dan hen selven/ende u Lants-heere soude moeten t'volck beminnen
boven hen selve.

Ian de Hertoghe.

Dats wel gheseyt/ick achts mede onmogelijck datmen soodanighe
een soude binden onder den Sonnen.

Meinaert de Bischop.

T'is secker onmoghelijck/lichter salmen een witte Raven binden/
immers men mach wel een Raven wit ende sulcken Mensch met
woorden affinalen:maer men salse op Aertrijck niet binden/en is maer
een ghenouchelijcke droom sulcx te waren.

Legael Gevaer Hulp-soeck.

T'is gheen spottelijcke Ideam/noch gheen witte Raven/ick soeck
maer een Recht Christen Lants-heere/sulck Prince was Christus/die
elck diende ende nut was ende zijn leven gaf voor zijn Schaepkens/mi
heeft dese ware Meester die const van lief-hebberen niet nydichlijck
hy sich alleen verborghen/maer mildelijck anderen voort gheleert/ende
soodanighen perfecten Jonghers ende lieff-hebberen van anderen ge-
maect / dat sy mede hoor leven voor hoor naestens heyl gaven ende
waerachtelicken condon wenschen van Gode verbanen te zijn / op
dat hoor naesten behouden mochten werden / maer secker mijn Hee-
ren nademael ghyluyden segt onmoghelijck te zijn dat eenich Men-
sche een ander liever mach hebben dan hen selve / ende ick u moet ghe-

looben te sprecken t'gunt ghy waerheyt waent te zijn: soo moet ick mede ghelooben dat ghy selve noch niet en zijt sulck lieff-hebber oock mede dat ghy onder dit gheselschap gheen soodanighen Menschen kent / wat resteert my dan anders dan dat ick mijn tijt hier niet vergeeffs en late deur gaen/maer elwaerts gae spozen daer ick waere lieff-hebbers var't ghemeen beste soude moghen vinden.

Eersucht Amman.

Dese Man spreekt vreemde paradoxa / hy gheloofst ons niet / ende gheeft daer mede niet onbedecktelijck te kennen dat hy ons al t'samen aen seyt voor t'gunt hy selve mach zijn.

Iohan de Hertoghe.

Wat soude dat zijn?

Eersucht Amman.

Loghenachtich / men heeft hem nu meer dan eenmael gheseyt dat wy de rechte luyden zijn waer aen zijn Brieff hout / maer hy geest ons gants gheen gheloobe/ ick laet mijne Heere staen/weet ick dan van my selve niet wt wat meeninghe ick mijn State gheaanbaert heb ende bediene/weet ick niet (segge ick noch) dat ick alleen in allen mijnen dienste voor ooghen hebbe mijns Heeren grootheid: rust vanden Hobe / ende t'welbaren van allen den ghesinde ende Dienaren? die my dat wilde benemen die mocht my soo licht vroet-maecken dat ick hoornen op mijn hooft hebbe.

Gevaer Hulp-soeck Legaet.

By uwen oorlobe dat wert wat te hert ghetrocken/loghenachtich zijn is wat anders dan doolinghe int Oordeel: ick achte mijnen Heeren niet voor loghenaers/dat sy verde van my/maer houde die selve te doolē in hoor Oordeel desen aengaende/want ele is hem selfs int Oordeelen ionstich/als dan pet bestaen wert t'welckmen doen mach wt een quade oft goede waerom oft oorsaecke/soo schrijft sich de Mensch ge-meenlijcken de beste meeninghe toe / ghelijck off yemant siende dat hem een arme / ten aensien van veel treffelijke luyden / braegt om een aelmisse/tot het gheben wille crijcht/alleen om eere van Gods-bruchtighe milcheyt te behalen inden oogen der luyden/welcker loff hy groot achtet / sal de selve des niet jeghenstaende nochtans hem selve wel con-nen voor laten staen als off hy die aelmisse gabe wt de beste meeninge daer wt hy wel heeft ghelesen off ghehoort datse behoort te geschieden/te weten op dat die arme Mensch ter noot geholpen mochte zijn/ende alsoo ter ziden stellende zijn rechte meeninghe die niet goet en is / te weeten Eersucht/sal hy hem selve een valsche meeninge (valsche in hem men

men

meyn ick) die goet is toeschrijven / te weten lust om den naesten te helpen. Alsoo meyne ick mede dat ghy wel mocht wanen ende dichten dat v.l. uwes Heeren groocheyt / de rust vanden Hove / ende des ghesindes welbaren alleen soect / maer uwe woorden / lochenende dat yemant een anders boven zijn eyghen bate soude moghen soecken / doen my nootsaekelijcken ghelooven dat sulck u segghen niet is dan een verwe ende decken-schande van een ander meyningh / die daer ghemeynlijcken onderlept / ende niet soo lofflijck is als de voorszghewende.

Iohan de Hertoghe.

Wat meeninghe dunckt u dan dat mijn Hoffmeester soude hebben?
Gevaer Hulpsoeck Legaet.

Ich ben hier niet gheromen mijn Heere om een Pasquil te zijn / ende doort quade ende ware te segghen alle Mans vryantschap op mijnen halse te laden: maer alleen om ware lieff-hebbers te soecken van t gemeen beste / die ick hier niet vinde / ende daerom dencke elwaerts te gaen.

Iohan de Hertoghe.

Segt vry wt / gheen ondanch en sal hier waerheyt sprecken behaalen / want wy hebben die Hemelsche Goddinne lieff / seght dan wat soude mijn Hoffmeesters meyninghe zijn?

Legaet Ghevaer Hulp-soeck.

Sijn eyghen groocheyt rust ende welbaren / alwaert oock met verclyninge van mijns Heeren groocheyt / tot onrust vanden Hove / ende tot verderben vanc ghesinde / want dat elck meest bemint / soeckt elck meest / na dien dese uwe E^{rs}. Hoffmeester selve vooz recht hout dat elck hem selve meest bemintet / wat macher wt volghen dan dat elck zijn eyghen groocheyt rust ende nut meest moet soecken? nu can dit selden vallen / sonder een anders groocheyt rust ende nut te verminderen / soo volcht dat hy t oock vooz recht hout zijn eyghen bate met een anders schade te benaerstighen / waerom soude hy dan laten sulcx te doen? na dien hy t vooz recht ende behoorlijck achtet / dese meeninghe doet begeerlijck loopen na Staten van Justitie / om dooz onrechte coop van t rijck ghelt / het rechte recht der armen onrecht te maecken / om Rentmeesteren te werden ende den Boeren haestelijck doende betaelen / maer den Heere lancsaem betalende van een penninc dooz den woeker over twee te Alchimisteren / ende om belwint te hebben van des Lants-heeren goederen / ende tot haren schade hooz eyghen bate groot te maecken.

VVerner Bugeus vander Const Edelman.

Wat nu sal dese Esopische onschamele Plompaert alle den dach
zijn lust boeten met mijnen Heere ende elck hier zijn onlust soo spotte-
lijck

lijck te segghen: Pots belten eer ick langher ghedoochde dat mijn Heere die smaetheyt gheschiede / soude ick hem niet grove buysten op zijn grove bachelers / zijn spijtighe grofheyt bechoonen / wat laet sich dese schant-boghel ende Naem-schender duncken? is hier niemant die t'ghemeen beste lieff heeft? heb ick selve niet mijn armoede verlaten erlijcke Jaren lang om t'ghemeen beste? in vreedende Landen swermen de allen goeden consten gheleert? ja oock de ghebaerlijcke Crichsconste vromelich ghehanteert? hadde hy daer maer van een toorn gesien/ hoe ick niet anders dan off mijn gantsche lijff van Stael waer gheweest/ (soo waerlijck mijn herte is) op allen schut-gebeerten/ aen allen storme ja midden onder der vanden Bataillien stoutelijck als een Leeuwe/ mijn handen gherept/ mijn lijff gheweert/ ende den vanden verniet/ doozstecken ende wten belde gellagen hebbe / ick dencke dat het aenschouwen van mijn gevaerlijcheit alleen/ hem inden broeck soude hebben doen buylen/ wat heeft my anders hier toe ghedronghen dan lieffde om t'ghemeen beste te moghen vorderen? om t'ghemeen beste te verlustigen / te verciere ende te beschermen? voecht dat den Edeldom niet? is dat geen Rechte Edelheyt? Is dat segghe ick noch niet alleen Edel zijn niet namen ende Wapen? wie mach lochenen datmen soo doende t'ghemeen beste boven enghen haet benaersticht?

Iohan de Hertoghe.

Wat segdy daer toe goede vrunde?

Legaet Ghevaer Hulp-soeck.

Niet mijn Heere ick verstonne.

Iohan de Hertoghe.

Waerom dat/ heeft u een Wolff ghesien?

Legaet Ghevaer Hulp-soeck.

Dat ghelove ick want ick verschricke van dese Edelmans snedighe woorden/ die wel tot den buyst schijnen te strecken teghen my/ die maer metter tonghen strijde / waer dat vromheyt niet soo onghelijcke weer my te beverchten?

Iohan de Hertoghe.

Des behoeft dy niet te duchten/ maer spreekat vryelijc wt t'gunt ghy daer teghen weet te segghen/

Legaet Gevaer Hulp-soeck.

Off dese/ sulcx als hy vertelt/ ghedaen heeft weet ick niet/ maer weet wel datmen aldat mach doen/ soo wel om zijn selfs als om t'ghemeen besten wille/ dit gheschiet minste/ dat meeste/ doch schijnet wel aen zijn ghewade

gheuade golben kieting / silveren Dolck / ende anders dat hy gheen
schade byden cruych heeft ghehad.

VVerner Bugeus vander Conft Edelman.

Dat wolt der Duybel/soldemen dan om schade te behalen t'leven in
ghevaer stellen / hebbe ick wat veroverc / des heb ick Godt ende mijn
bromucheyt te dancken.

Legaet Gevaer Hulp-soeck.

Dats wel/maer t'ghemeen beste behoest nu noodlijck soodanigher
bromer Edelpuden/die macht ende verstant hebben om hulpe te doen/
daerom nademael ghy zijt (soo ghy seght) een lieff-hebber van t'gemeen-
ne beste / soo is nu den tijt dat ghy metter daet bewijst t'gunt de mont
sprecke. Ende om u immers daer toe lustigher te maerken soo wil ick
u een verholentheyt/die waerachtich is/ontdecken. Daer is geslooten/
om allen goeden gheesten lustich ter hulpen te maecten / datmen allen
lupden van wat stenden sy zijn/diemen bevinde eenighen sonderlinghen
dienst hulpe off weldaet aen t'ghemeen best bewesen te hebben / sal ver-
zeren met Staten van eeren soo sy daer bequaem toe zijn / ofte beloo-
nen met eenighen juweelen off bygheden inden ghemeen lants lasten/
sulcx dat voort aen niet meer eenich Mans sonderlinghe deuchde off
bromucheyt onbergolben sal blijven.

VVerner Conft Edelman.

Worghhe waer goet/ick prijse een Mosche inde hant boven een Ope-
baer inder lucht / achte ghy den lupden soo slecht dat sy den Egyptischen
hont souden nabolghen int verliesen van dat sy nu al inden mont heb-
ben/om den schaduwe van schoon woorden te erlanghen?

Legaet Gevaer Hulp-soeck.

Neen goede Man soo slecht en recht can ick u qualijck achten dat
ghy t'ghemeen beste lieff sout hebben / nademael ick sulcken grooten
ghe-soeck van eyghen haet in u mercke/wie eenen anderen recht lieff
heeft/diens hoochste lust ist den ghelieffden / lieffde ende weldaet te be-
wijzen/ende dat soo gheheel sonder te sien op loon off eyghen haet / dat
hem oock de ghedreychde straffe ende vreesse van alle t'zijn te verliesen
niet en mach afschriicken dienst ende hulpe te doen / den ghenen die hy
lieff heeft / soodanighe lieffde hebbe ick in dese quade tijden / ballinck
ende van alle mijn have berooft zijnde/ghenooten van waere lieffheb-
bers die my / teghen t'verbodt off lijffstraff des Dux d'Alva banden
ballinghen hulp te doen/niet ghelaten hebben bymoedelijck ghelt met
troost-brieven aen my te senden/soodanighe achte ick waere lieff-heb-
bers ende byvanden.

6

Werner

V Verner vander Const Edelman.
Soodanighe acht ick waere Maeren ende Gacken.
Legaet Gevaer Hulp-soeck.

Soodanighe waere merren soecke ick / ende nadien ick u Waer-ner
hoo: noemen / soude ick mi verblijden dat ick aen u sulcken Waernar
hadde ghevonden / ghylyden schijnt Euangelische hier / t' Euangelie
prijs soodanige Maerenarren / die hoo: levē gebē voor hoo: naestē / seec-
ker ist goet voor den naesten / hoe vele prijselicker ist voor t' gemeen be tē
etlijke hondert dupsent naestens in sich behelsende. Maer soodanich
lieffhebber is / (soo ick bevinde) een selsaem wilt-braet inde Werelt daer
d'opinie voochdesse is / niemant doet daer wat / hy en weet waerom / also
wert nu die lieffde en vrientschap een Coopmanschap heeftmen schoon
wat inden / schijn dat is een Spieringh om een Cabbellautwe / soo ist
schencken niet dan angelen ende een winstgierighe woecker.

Gheerhardt Coopman, Merctgangher.

T'schijnt dat hier niemant voor desen Man veplich is / die selbe meer
schijnt te wesen een spijsige Pasquill / dan een vrentliche Legaet / mach
dan de Coopman niet ghespaert zijn / wie doet het ghemeen beste / im-
mers in dese ghebroocke Landen / doch meer nuss dan den Coopman

Legaet Gevaer Hulp-soeck.

Diet landt voor t' swaert / ende goede wetten / soo breedsam hout / dat
de Coopman veplich mach wandelen ende handelen.

Gheerhart Coopman.

Is de Coopman dan onnut?

Legaet Gevaer Hulp-soeck.

Neen / want als hy met Monopoliën / woecker / voorcoop / bedroch /
ende listighe behendicheyden den ghemeenen Man wtsuycht / is hy
den lande verderfflijck / dats ergher dan onnut / maer als hy met ghe-
trouwer blijven / om rebelijc gewinne / den Lande dient niet inboeringe
van behoefstige / wtboeringhe van overtallighe / ende vertieringhe van
nutte waeren / is hy den Lande nut / t' welck noch al / (soo wel als krijch-
handel / goede consten / bonnissen ende regeren) mach gheschieden om
eyghen bate / soo wel als tot nut van t' ghemeen beste / wilhy nu dat ick
u reekene voor een rechte lief-hebber van t' ghemeen beste / soo verclaert
dat ghy u coopmanschap meer drijft om des gemeen bestens / dan om
u eyghen nut.

Gheerhart Coopman,

Wie doet sulcx? secker die soo wilsde Coopmanschappen / en soude
niet

niet langhe Coopman blijven / maer haest een Maeckelaer / ja Bede-
laer worden voor die Kercke : want dese comende voor allen anderen
met Cooren ter marct in zijn Vaderlant daer groote dierte waer / ende
wetende datter veel andere met Cooren na comen soude metten Sici-
liaensche Coopman moeten segghen my volghen noch veel Schipen
die alle daghe hier sullen zijn / als die der ghemeenten schade int dier
coopen hoogher soude achten / dan zijn eyghen baet int dier vercoopen.

Legaet Ghevaer Hulp-soeck.

Ghy seght niet qualijck: maer dit misshaecht u qualijck ende geloobe
daerom oock qualijck / dat ghy een recht lief-hebber zijt van't ghemeen
beste.

Coen Bouman Cock.

Ghenomen beste Man / ghy daer in al recht haddet teghen desen
man / oermits veel alle Coophandel soo verdozven ende vervalscht is /
dat hy schijnt schade te moeten lijden die eenighe Coophandel sonder
vervalschinghe oprechtelijcken wilde drijven / wat gaet sulcx my aen?
ghemerckt dat in mijn hanteringhe niet en valt / ende mijn neeringhe
soo nootelijck is dat het Respulijck sonder my gants niet en mach be-
staen / want souden wy ploegghen / saepen / maeyen / planten / weyden /
melcken / wzinghen / noch karnen : elck soude haest moeten vasten ende
niet langhe vast staen: maer verdwijnen / vallen / sterben / ende bederven.

Legaet Gevaer Hulp-soeck.

Nootelijck is vrunde / ende dienstelijck is u neringhe voor't gemeen
beste / oock mach u hanteringhe gheschieden oorzbaerlijcken / sonder
t'ploegghen van valscheit: maer doet ghy luden dat al t'samen? daer is
grootelijcken aen te twijffelen. Ende ghenomen ghyt noch al t'samen
schoon sonder arghelist dedet: volcht daer wt dat ghyt al t'samen tot
lieffden van't ghemeen besten doet? strecke u lust begeerte ende meeninghe
meer om t'ghemeenlant / dan om u selfs nut te doen.

Coen Bouman.

De winner behoort den cracch toe / ende de arbejder is zijn loon
ende cost waerdich: soudy willen dat wy t'lant dienende niet verdienet:
maer verhungeren souden. Wie soude dan t'lant lange mogen dienen?

Legaet Gevaer Hulp-soeck.

Dats de meeninghe niet / maer de vrage is off ghy t'lant meer dient
om dat ghy t'lant soudet nut zijn / dan om dat ghy self loon soudet ver-
crisgen? ic meyne wel dat het loon meer by u luden gesocht wert en be-
geert / dan des Lants nut en welvaren: handelt en dient ghy getrouwelijc

C ij

men

me mach u wel te rechte getrouwe en mitte Dienaer noemt: Maer get:
sins warrachtighe kinderen ofte Lieff-hebbers van't ghemeen beste.
Een Huppling doet niet qualijck als hy blytelijck arbeyt om tamelijck
loon: maer lofflijcker doet een soon die niet om loon / maer wt lust om
t'ghemeen goet van zijn Ouders hups tot nut van zijn Ouders / Broe-
ders ende Sisters te verbeteren ende te vermeerren / dese zijn lieff-heb-
bers van't ghemeen beste / maer niet die Hupplinghen / sy zijn dan oock
soo goet ende ghetrou als sy willen / want die eyghen loon soeckt boven
t'ghemeen best / is een Lieff-hebber zijn selfs / maer niet des ghemeen
nuts / soodanighe luyden vinde ick hier / ende soodanighe luyden soecke
ick niet / want die connen hen selve al te meesterlijc soeckende binden /
maer ick soecke luyden die t'ghemeen beste soeckende / hem selve verlie-
sen / verteren ende ghebruycken laeten alleen op dat het ghemeen beste
wel mach vaeren / dus wil ick mijn Heeren Gode bevelen / ende mijn-
der Straeten boorts wandelen.

Meinaert de Bischoep.

Neen soo niet goede Man / wat ghy in dese niet en bint mach wel in
my wesen / off andere schoon al niet en waeren lieff-hebbers des ghe-
mennen nuts / volcht daer upt dat ick niet en ben ? gaet soo niet wt een
booz-oordeel wech / sonder eerst my te hoozen sprecken.

Legaet Gevaer Hulp-soeck.

Ich heb al upt u monde soo veel ghehoort / dat ick secker ben dat
ghy van soodanighe luyden niet en zijt daer mijn Brieff aen hout.

Meinaert de Bischoep.

Dat weet ick niet.

Legaet Gevaer Hulpsoeck.

Ich seer wel : want ghy hebt gheseyt / soo onmoghelijck te zijn dat
men op aerden soodanighen (als ick soecke) lieff-hebber van t'ghemeen
beste te zijn / als datmer een witte Raven op aerden soude binden / mi
zijt ghy luyden mede noch hier booz mijn ooghen op aerden / soude ghy
mi segghen dat ghy soodanich waert : soude ick u niet moeten houden
booz ontwaerachtighe luyden / daer booz houde ick u niet / dus moet ick
ghelooven dat ghy't oock niet en zijt.

Meinaert de Bischoep.

Ghy stant al te onbescheydlijck / obermides ghy niet en merckt op
d'onderscheyt tusschen my ende desen anderen want / alle deser luyden
doen gaet aen den Lichame ende habe des Menschen / dat sielijckhe
ende berganchelijckhe dinghen zijn / ende oock Weereltsch / daerom men
hem oock Wereltsche luyden noemt / maer dat is niet my anders / ick
ben

ben een Geestelijck Man/ hebbe de Weerelt verlaten / bemoepe my niet
 Gheestelijcke saecken / ende soecke niet anders dan salicheyt van alder
 Menschen Zielen. Seght my nu wat nut off voordeel mach my daer
 aff comen/maect eens anders sielen salicheyt / mijn siele oock saligher
 dan sy is ? en off sy my niet willende ghelooven alle in verdoemenisse
 liepen/sal dat mijn siele oock onsaligher maerken/nu ziedy wel dat ghy
 t'onrecht van my oordeelt / ende dat ick een recht lieff-hebber ben van
 t'ghemeen beste/ja vant rechte beste/naamentlijck der sielen ende der sel-
 ver heyl/ghy zijt(soo ick mercke)niet heel onbelesen/soo hebby oock wel
 ghelesen wat groote meenichte Boecken ick gheschreven hebbe/ om te
 vorderen dit alder-beste gemeyn beste/daer upt ghy dan oock licht hebt
 moghen speuren een onophoudelijken sochbuldicheyt/den gestadigen
 wackerheyt/ende onuytspreckelijcken arbeit/ moeyten ende blijft dien
 ick ghedaen hebbe ende noch daghelijcx doe / alleen tot heyl / nut ende
 welvaren van alder Menschen sielen/twelcker salicheyt my (soo geseyt
 is)niet een haerken saligher maect / moochdy nu oock lochenen dat
 ick ben een waere lieff-hebber van t'ghemeen beste?

Legaet Gevaer Hulp-soeck.

Waddet ghy Heere met waerheyt daer by moghen voegghen dat ghy
 in armoede/verachtinghe ende vervolginghe den Menschen leevende/
 u leven voor u Schaepekens daghelijcx gheeft / soomen aen den Heere
 Christum ende zijn jongheren heeft ghesien / sonder selfs in weeldighe
 rijckdommen anderen te verbolghen(soomen in u lipden Godt betert
 veel siet) het soude wat beter schijn hebben gheladt tot bewijs van u
 hoornemen/ hoe wel men dan noch mocht vermoeden dat een onwijse
 pber / door eenich eyghen ghesoek dickmael mede soo goeden schijn
 voor den Menschen mach hebben/maer wat doet nu dit u segghen ter
 saecken/nu lipder woorden brengen mede dat ghy des volcx sielen soect
 ende niet hoor ghelt/maer die daet betuyche daer tegen dat ghy s'volcx
 ghelt/ende niet haer sielen soekt/ten waer ghy wilde lochenen dat elck
 meest vint dat hy meest soekt / hoe veele sielen ghy lipden ghebonden
 ende ghewonnen hebt en weet ick niet / ghy lipden en moget vock niet
 bewijzen/maer ghy moocht niet loochenen ende ick behoeffs niet te be-
 wijzen/hoe ontallicken menichte hondert duysent gouden sielen ghy ge-
 bonden hebt ? want u lipder Conincklijcke ghebouwten / keijserlijcke
 incomsten/ende Epicureensche weelde/betuyghen dat al heel naeckter
 dan u wel lieff is / nu verstaetmen mede licht dat ghy sulcke onepnde-
 lijcke schatten sonder argelstige sochbuldicheyt niet en hebbet connen
 vergaderen / sonder Tyrannijstij ghewelt niet en moecht beschermen/
 C. liij ende

ende sonder wellustighe begheerlijckheyt niet en cont misbrycken/alle
c welck niet en mach gheschieden sonder den Rijckdommen/ moghen-
heyt ende weelde te houden voor u opperste goet ende schat / soo dat u
herte daer alcht is gheweest daer u schat is. Dat nu die voor/3 drie saet-
ken den Lichaem aengaen hier inder tijt ende den selven hier schijnen
te salighen: is kennelijck ende blyckt nu s dien noot saekelijck dat ghy
u lichaem lieff ghehadt/ ghedient ende besocht hebt/ maer geensins u
siele/ die ghy versumpende wepnich hebt gheacht / soomen niet teffens
en mach dienen den Mammoni ende Gode/ sonder wiens dienste die
siele jammerlijcken wert versumpit/ hebdt dan u eyghen siele niet lieff:
hoe soudt pmancs anders sielen lieff hebben? ghy luyde dient en soecht
dan u selve en niet het volc/ en dit op s volcx costen/ des volcx gonst soect
ghy luyden met valsche brede Prediken/ op dat ghy haer soo groote als
sotte milcheyt sout genieten/ hier toe verswijcht ghy die straffende waer-
heyt/ ende leert niet dan sinnelijcke loghenen / want al loopter somtijts
een waerheyt onder van vermaen tot beteringe van leven: o misbryp
ghy die alleen tot een dekeschant uwer gront leeringhe / daer meest toe
streckende datmen niet hanteringe van Ceremonien Gode behaecht/ en
dat Gode soodanighen genadich is/ ende heur sonden niet toereckent/
al blijven sy schoon luyden als gisteren in sonden / als sy maer vast ge-
looven dat sy Christenen zijn / ghedoopt zijn etc/ dese rupen wech vint
der volck ghemackelijck/ leven metten ellenboghen op sulcken cussen-
gens/ ende beschencken sulcke genade Predickers rijckelijcken/ nade-
mael ghy luyden dan om u eygen stadich gewin/ e volck in sonden laet
blijven/ sonder hoor beteringhe te benaerstighen / maer wel u rijckdom
ende machte / hoe salmen ghelooven dat ghy een lieff-hebber zijt van
ghemeen beste?

Iohan de Hertoghe.

Wat nu brunt/ soude hier dan niemant zijn die t' ghemeen beste lieff
heeft?

Legaet Gevaer Hulp-soeck.

Ich kan soodanighen Menschen hier niet mercken.

Meinaert de Bischop.

Op wat reden doch?

Legaet Gevaer Hulp-soeck.

Die meyn ick nu al meer dan genouch gheseyt te hebben/ al en schij-
net mijn Heeren niet ghenoech / ende soudes noch meer connen seggen
indien men my wilde antwoorden op mijn braghen.

lan

Ian de Hertoghe.
Dat sal zijn/bræcht maer.

Legaet Gevaer Hulp-soeck.
Mach oock pement recht lieff-hebben t'gunt hy niet en kent?
Iohan de Hertoghe.

Neen.

Meinaert Bischoep.
Gheen/ins/want alleen dooz de schijn van waerheyt / van goetheyt
off schoonheyt / wort alles lieff ghehad / hoe sou dan pement moghen
lieff-hebben t'gunt hy niet en kent booz goet off schoon? hier sal nie-
mant onser teghen segghen/want het spreekwoort oock leert / dat on-
runde onnutte maecht.

Legaet Gevaer Hulpsoeck.
Dats recht gheantwoort/nu mach elck seggen wat hy acht dat het
ghemeen beste is / dat is wat int algemeen / oock den Menschen best is.
Iohan de Hertoghe.

Datter een Lants-heere na zijnen lust ghebiede / ende dat alle t'volck
hem wt vreesen onderdanich is.

Legaet Gevaer Hulp-soeck.
Dat waent ghy Gen: Voxt u goet / maer off sulcx den volcke goet is
en dunckt my niet.

Eersucht Amman.
My dunckt het ghemeen beste daer t'ine ghelegghen te zijn / dat de
Rijckdom soo overbloedich is int lant / datter veel groote Processen
werden / ende des Lants-heeren incomsten ontallick zijn.

Legaet Gevaer Hulp-soeck.
Secker dat sulcx booz den Rechteren ende Ontfanghers / goet
schijnt weet ick wel / maer off de twistige weelde beter is booz den volc-
ke dan breedsame noordrust / soude moghen aen ghetwijfelt worden.

V Verner Bugeus Const Edelman.
Hoe onbescheyden ende waerachtich men spreekt / dese weder-spre-
ker twijfelt daer aen / nochrens twijfel ick niet off t'ghemeen beste be-
staet daer inne / dat men allen goeden constenaren in tijden van breed-
met eere ende rijckelijcken loon beschencke / ende allen vromen Chris-
tyden in tijden van Oorloghe met Cris-ampieren en bevelen vereere.

Legaet Gevaer Hulp-soeck.
Dat sulcx goet is lochene ick niet / maer kenne al meerder goet onder
t'ghemeyne / dat beter den name van t'gemeyne beste waerdich is / ende
verstaet

berstaet wel dat die eer ende loon-soeckers hem selve soecken / maer niet
het ghemeeen beste / d'welck sy niet kennen.

Gheerhaert Coopman.

Wie kent niet aldernutste voorde Ghemeynte te zyn / dat de Coop-
man / chap rustelijck zynen ganch heeft / ende t'lant rijck maectt doop-
neeringhe ende welwaren?

Legaet Gevaer Hulp-soeck.

Die niet / die daer verstaen dat de Rijckdommen der sielen beter zyn
dan des lichaems / diemen dickmael miszuyckert tot der sielen verderff /
maer d'andere minnermeer.

Coen Bouman.

Dat sonde loopen teghen mijn meeninghe / we / ende dat vele bruche-
bare Jaeren het grootste nut is voor t'ghemeen beste.

Legaet Gevaer Hulp-soeck.

Men seght recht dat sulcx teghen u meeninghe loopt / want alle ver-
meringhe van gabe brengt niet met sich vermeerdinghe van doechden /
maer dickmael verstickinghe.

Meinaert de Bischop.

Ich houde ontwijffelijck het aldernutste voor t'ghemeen beste / daer-
ter vrede sy inde Religie.

Legaet Gevaer Hulp-soeck.

Soo hebben onse voor-ouders het beste ghemeeen goet ghehadt /
maer daer teghen: egghen nu veel gheleerden / leerende datter onder
wijlen wel een valsche vrede sy / om die welke te verstoren Christus is
ghecomen. Maer wat blijff ick hier noch vergheefs staen clappen met
berst van mijns rijes? ick vinde hier niet een die te recht het ghemeeen
beste kent / hoe mach sulc een doch lieff hebben? Een onwijse liefde heeft
my hier opgehouden die alles hopende / my oock dede hoopen dat hier
noch niemant soude moghen zyn die t'gemeen beste lieff heeft / maer die
mist my / ende u Edele vermoghende Heeren / met dit gheselschappe
wensche ick met herten dat hy u ghenadelijck doe verstaen / dat het ge-
meen goet / beter / waerdigher ende schoonder is dan elck uwer op sich /
op dat ghy inder waerheyt het beste / waerdichste ende schoonste goet /
noch eenmael meest moocht lieven uwer herten.

Adieu.

HY GAET IN EEN ANDER HER-

berghe, ghenaemt inde onschamelheyt, daer Priapus
wthanght, ende vint daer Gierighe, Weeldighe ende Libertijn
daer

daer hy terstont van scheyt, als gheen lieff-hebberen van t'gemeen beste wesende, hoe wel zijt haer oock beroemen, ende scheyt voorts wt selve Setde, om te gaen naer het Dorp ghe-naemt *Veritas*, ende seyt teghen sich selven.

Dier heb ick ghemist/ mijn tijt vergheeffs verquist/ om dat ick niet en wist wat daer voor luden waeren / Heere Godt wat vzeemder bedencken maect my ditte / hoe connen de luden sich soo vroet maecten / nu al te zijn t'gunt sy niet alleen niet en zijn/ maer oock niet en kennen / sy weten daer noch niet hoedanich hy is die t'gemeen beste recht lieff heeft/ ende noch doest elck sich vroet-maecten/ dat hyt was / soo veele vermach die waen dat spluden die daer wat affghelesen hebben off hoozen affclappen / ghelijck die blinde vande berwe / sich daer wt connen vroet-maecten dat sy nu al zijn t'gunt sy noch niet te recht en weten/ ick soude ghemeynt hebben dat sulcke hen-lupder verbeeldelijke kennisse off waen henlupde veel eer beschuldichte soude hebben door t'vertoon wat sy behoiren te zijn/ als sy mercken dat zijt niet en zijn / dan dat elck soo plompelijck hem selve soude toeschrijven t'gunt sy gheenssins en hebben / soo gaet het leyder ghemeenlijck oock toe (als ick my recht bedencke) niet alleen met desen / maer met meest allen luden / vzaecht een ghehoude Vrouwe off sy hoor *Man* lieff heeft/ sy sal vyzmoedelijck antwoerden *Ja*: maer vzaechtmen voozder/ men sal vinden dat sy niet den *Man* / maer haer self inden *Man* lieff heeft/ ick meyn den voozstant ende oorzbaer hoozs huyses / t'vzuntlijck gheselschappe/ de soete troost in teghenheden/ ende dierghelijcken meer/ daerom sy oock troert als haer *Man* sterft/ al ghelooffde sy oock vast dat hy upt dit ellendighe dal der tranen ende wt dese sochlijcke en moepelijke Zee/ int vzoelijcke rijcke *Godes*/ dats inde veplyghe haven van ruste ware ghecomen/ had sy den *Man* lieff ende niet haer selve in hem / soude dese groote welbaert hoozs *Mans* niet overweghen hoor cleyn schade/ soude sy haer niet veel eer verblijden dan bedroeben? Soo bemint die *Man* niet zijn *Wijs*/ maer zijn gemack/ dienst ende luste in zijn *Wijs*/ hoe bemint de amozens niet zijn minneken? maer zijn bleeschelijcke wellust/ oock tot haer schande ende onsalicheyt: heeft sulck een zijn lieffken oock lieff? soo gaet het metten gemeenen vanden die meest al hoor selfs vermaeckelijckheyt/ nut/ eer/ ende lust die sy gemeten u ter vyzntschappen / ende niet den nut off lust hoozs vyznts soecken / soude ick allen *Staten* van menschen door wanderen met mijnen gedachte / ick meyn dat ick dese eygensoeckelijke/ baetgterige/ woekerische lieffde soude bindē in allen/ in allen meyn ick/ die noch in *Christo* niet waerachtelijck herbozen zijnde / de ware Goddelijcke lieffde ontberen in hoozen

herten/wtgenomen alleen de natuylijke tocht des herten/inder Moederen wesende totten kinderkeus/die soodanich is dat sy horen hongezigghen maghe / de ghehoude beete ontrecken / ende steecken die t'ghelieffde kindt inden mont / alleenlijck op dat den kinderen wel soude zijn / sonder alle eyghen ghesoeck / vermach dit noch de redelijcke natuyze inden Menschen tot onderhout vande Menschelijke lichamen : hoe soude de Goddelijcke natuyze sulcx niet vermoghen inden weder-ghesbooren tot opboedinghe ende onderhout vande goetwillighe ontwijfselen? soodanighe zijnder dan noch inde werelt / ende soodanig e lieven oock met herten t'gemeen beste/ende soodanige sal ick vinden in Dorpeken dat ick van verre beginne te sien genaemt Veritas/her begint abont te worden/ ick wil wat aentreden soo come ick noch by sonne ter begeerder plaetsen / daer comt een Man wt en belde mede nae desen Dorpe waert/Goeden dach beste man/woondy in dese vleck.

Kersten Goedaert.

Ja ick byndt/Godt gheeff u oock goeden dach / my wondert hoe ghy den wech hebt connen vinden/die is alle man niet cont/oock comt hier weynich volcx daerom soude ick wel willen hooren (gheliebet u te segghen) van waer ghy come.

Legaet Gevaer Hulp-soeck.

Gaerne bynt ick come upten lande vanden Gouvernemente vanden Heere Voel smert vander Lantf-noot.

Kersten Goedaert.

Hoe ist daer doch gheselt mette ghemeente? dragen die oock asschen opt hooft/sacken om't lijff t'Euangelie inder hant/ende bidden sy oock al ghelijck in eenrelepe tale?

Legaet Gevaer Hulp-soeck.

Dats my een wonderlijcke brage/waerom braechdy niet off die braec sy? die is nu inden lande soude t'volck dan troeren?

Kersten Goedaert.

Ick braechde niet nade vrede/ overmits ick niet secker en wete off die vrede dan t'oorloch nutter is voore volck.

Legaet Ghevaer Hulp-soeck.

Wie mach daer aen twijffelen?

Kersten Goedaert.

Die daer aen niet en twijfelt dat Godt ons t'beste seynt / ende dat dickmael de roede so nut en nootlijc is in een huys als broot in t'resot.

Legaet Ghevaer Hulp-soeck.

Ghy weet ten minsten wel dat u selve die vrede nut is om te comen te ghebruyck van uwe have.

Kersten

Kersten Goedaert.

Eben soo luttel weet ick dat als t'ander/maer off dan noch de vrede
my al schoon nut waere/en den gemeenten schadelijck/niet wat reden
soude ick dan noch sulcx mijn nut/ tot het gemeen bederuen connen be-
geeren:omme nu te vernemen off die vrede den gemeenten nut mochte
zijn/vraechde ick u oft volck oock aschen op t'hoofte hadde etc.

Legaet Ghevaer Hulp-soeck.

Dat was my een seitsaem vrage/wat meynde ghy doch daer mede?
Kersten Goedaert.

Om daer by te mercken off des volcx stoute hoochmoet nu al so ver-
de onderdrucht ware / dat elck sich als aschen ende stoff onder Godts
hant van herten vernederde / ende volghens dien ootmoedelijck allen
pracht ende pronck verwerpende/ den recht ende rechte sack van noot-
drustich ghebruyck om t'lijff/in gewade boetsel en wooninge genieten/
ende dooz t'spaerlijck teren mildelijcker den armen deplen / oft soo een-
mael te recht het Euangelium vanden woort-rijcken monden inden
goetdadigen handen waere getomen / en off sy al t'samē inde eenbuldi-
ge tale van geest ende waerheyt baden/ dat Gods eer ende alder Men-
schen heyl mach gebozder werden / d'een des anderen misverstant on-
partijdelijck vraghende.

Legaet Gevaer Hulp-soeck.

Dat alles sullen wy hier eer wenschen dan hebben/ja boozwaer/was
dat die meeninge/die is niet vzeemt/ghy wilt seggen / waerender geene
sonden daer en waeren geene plagen:off waeren wy als wy souden/wy
hadden dat wy wouden:want Godt is geen felle Tyrān/maer een lie-
be Vader : meer lust int ghenadich vergheven ende weldoen / dan int
strenghe straffen hebbende.

Kersten Goedaert.

Dat raemdy recht.

Legaet Gevaer Hulp-soeck.

My verwondert dat ghy nae t'volck vraecht/ende niet na den Sou-
verneur.

Kersten Goedaert.

Die is om des volcx /maer niet het volck om zijnen wille / dus han-
get aen t'volck meer dan aen hem/dit weet hy oock selve wel / ende ver-
teert der halven hen selve om des volcx welbaren wille/dit wist ic al van
hem / daerom ick nae hem eerst oock niet en vraechde. Boozwaer soo
t'volck ick meyn t'lichaem gulden is / die wijse Bouman / Godt/en sal
daer gheen Cooperen/beel min Merden/hoofte op setten. Ende dese ken-
nisse heeft my noch al langhe goeden hoope ghegheven/als ick soodani-
ghen

ghen gouden hooft sach op dit lichaem / alsoo ick daer by t'selbe niet
gheheel verdorven te zijn mocht ghelooven.

Legaet Gevaer Hulp-soeck.
Hoe is u name brundt.

Kersten Goedaert.

Legaet Gevaer Hulp-soeck.
Ghy zijt u name niet gheheel onghelijck / gabe Godt dat ick veel
sulcke rechte Kerstenen van soo goeder off Godclijcker aert mocht vin-
den/seght my doch waer woondy?

Kersten Goedaert.
Daer int cleyn Hupskien/daer des hupskiens eyghen affmalinge wt-
hangt/te weten Bethlehem /daer soude ic u mijn Heere dees nachts by
my nooden/soo ick niet en duchte dat ick u niet na u waerde soude con-
nen ghenouch doen/ want ick diene niet herten gaerne allen Dienaren
van soodanigen oprechten Dienaer van't ghemeen beste / als de Gou-
verneur u Heere is.

Legaet Gevaer Hulpsoeck.
By soodanighe luyden ben ick gaerne / ende in sulcken hupskien
Herberghe ick liever dan in heerlijcke Daleysen / ter lieffden vande
waerde gast die niet zijn cupsche Moedere/in zijn eerste joecht/in sooda-
nighen Herberghe t' hups heeft ghelegghen/dus blijbe ick by u/ende off
daer binnen al schoon mede ghebreeck waere / ick sal broot ende wijn
doen haelen.

Kersten Goedaert.
Neen Heere/ Broot sal ons niet ghebreecken / soo mijn wooninghe
anders is een rechte Bethlehem dat is Broot-hups/ende soo die waerde
gast (het Broot des levens) by my is ter Herberghen / Wijn behouwen
wy niet tot wellust/Bier heb ick/dat sal den dorst connen leschen.

Legaet Gevaer Hulp-soeck.
My honghert meer dan my dorstet/want ick van daghe niet hebbe
ghegeten.

Kersten Goedaert.
Gaet binnen Heere.

Legaet Gevaer Hulp-soeck.
Neen leedet my bannen.

Kersten Goedaert.
Wijff ick breng een goet brundt met my.

Sophia zijn Huys-vrouwe.

Wellecoem

Wellevcomi moet hy wesen / legt u dinghen aff Heere ende stelt u te
biere op die stoel.

Kersten Goedaert.

Stelt ghy Wijs den tafele met dat ghy hebt daer oppe / dees goede
Heere is van daghe noch richteren.

Sophia.

Dats langhe ghebast / ick doe soo man.

Kersten Goedaert.

Schickt u te biere Heer / dats den verwermden gangher ghesont / die
tafel sal fluc ghereet zijn / want vanden spijs is haest gecoocht / ende u
ben ick vunt om dat ick u een Dienaer mercke van des ghemeynen
bestens / alderbeste vunt / daer is die spijs die wy hebben / eet Heer / mijn
Wijs rapt Bier / ende ick lese nu de segeninghe.

O Heer die ons gheeft spijs en dranck

Gheeft dat wy die met waerde danck

Heylichijck tot uwer eeren.

En tot onser betering verteeren.

Legaet Gevaer Hulp-soeck.

Amen / dats een corte Benediccie.

Kersten Goedaert.

Dooz een haestighe hongher dienen corte mijlen totter spijsen / eet
Heere van datter is / de hunger dringt my niet seer / maer hongere meer
om verstaen wat mijn Heere doch jaecht in desen hoecke / daer dagelick
alleman niet en comt.

Legaet Gevaer Hulp-soeck.

Leest dien Brieff aen u houdende / ende u hunger sal versaet zijn.

Kersten Goedaert.

Hier staet mijn name niet op.

Legaet Gevaer Hulp-soeck.

Daer staet op u aert / leesten dooz ter wijlen eet ick.

Kersten Goedaert.

Dunckt u Heere dat ghy hier desen Brieff al te rechte bestellet?

Legaet Gevaer Hulp-soeck.

Duncket u neen?

Kersten Goedaert.

Ich weet niet wat segghen.

Legaet Gevaer Hulp-soeck.

Ich weet nauwelick wat dencken / desen middage was ick by beelen

hupden aen welken desen Brieff niet en hielt / ende namē sy hupden sich

D iij des selfs

Een wijs
stillekens
ghelesen
hebbende
by hem
selve sepe
alsoo.

de selfs soo hart aen/aen henlupden te houden / dat ick veel moepten
hadde omme henlupden broet te maeken t' gunt waerachtich was te
weten dat sy die lypden niet en waren/daer aen de Brieff hiele/ daer te
ghen bevinde ick nu waerlijck dat dese Brieff hent aen u/ dit wilt ghy u
niet aennemen/ en sal u moeten broet-maeken dat sy aen u hout/ t welc
nochtans waerachtich is/ wat nu onmogelijke ist dat oncrisphe lieff-
de in pemande mach zijn/sonder wetē des Minnaers: soude dā die los-
felijcke lieffde ten ghemeynen besten in u moghen zijn blypen u wetendē

Kersten Goedaert.

T'is const wel te onderscheyden het wanen van't weten/ ick heb dic-
mael ghewaent te weten/ als ick noch niet wiste hoemen soude weten/
soo heb ick oock meermalen ghewaent dat ick t'ghemeen beste boven
mijn nut bevinde/ en bevant daer nae noch al een crom haercken van
eygen soeckelichheyt (t'waer dan van eer ofte baet) ergens in een win-
kelken mijns hertē verborgē/ wat weet ick oft nu noch also met my sy?

Legaeet Gevaer Hulp-foeck.

Dat sullen wy terstont beyde seckerlijck weten moghen / soo ghy
my recht ende slecht wilt antwoorden / seght doch wat acht ghy t'ghe-
meen beste te wesen?

Kersten Goedaert.

Myndy Heer/ dat ick u recht sou connen beantwoorden?

Sophia.

Ik weet wel ja Man/wy hebben dickmael daer aff ghesproocken/
men mach al te wijs ende alte rechterbaerdich zijn / alsoo oock al te oot-
moedich/ t welck valt als men wt hobaerdighe vreesse voor doolen door't
swijgen wijsse wil schijnen dan men is: oft als men wt onnutte schaemte
die bekende waerheyt heelt.

Kersten Goedaert.

T'is soo Wijs / maer t'is gheen cleyn saecke byden grooten van
grootte saecken zijn cleyn oordeel te berclaren/niet te min merckende tot
wien ick spreekte/wil ick gebraccht zijnde mijn arm goetduncken daer
van seggen. Alsoo achte ick voor't ghemeen beste, dat vele menschen
goet worden ende blijven.

Legaeet Gevaer Hulp-foeck.

Dats te recht het alderbeste ghemeen beste/ seght nu wat meest daer
toe vordert?

Kersten Goedaert.

Dat d'overheyt hen recht quijte int gheben van goede wetten: ende
int beschermen vanden goeden volcke: ende dat het volck ghewillich-
lijck sulcken Overheyt onderdanich sy/ daer toe behoefst / wijsse raet/
Edelcom/

Eldom/ende rechtbaerdighe winners.

Legaet Gevaer Hulp-soeck.

Wats noch al rechte/ende sulcx siet ghy oock aen voer goet en schoon?

Kersten Goedaert.

Ja ick voerwaer.

Legaet Gevaer Hulp-soeck.

**Waert het aenschouwen van goede ende schoone dingen/ geen liefde
tot de selve?**

Kersten Goedaert.

Het doet.

Legaet Gevaer Hulp-soeck.

**Watmen dan kent voer't meeste goet / ende voer de meeste schoon-
heyt/ daer toe moet ooc die meeste liefde zijn/ moet het niet verstaet my/
of een gierich man kennende de grootheidt ende schoonheidt van een
gouden Reael van Oostenrijck / der selver een saghe legghen over een
zijde/ ende etliche hondert dupsenden der selver penninghen over d'an-
der zijde/ op welcke zijde menich dat hy zijn meeste liefde soude hebben
op den eenen gouden Reael/ ofte opten grooten menichte?**

Kersten Goedaert.

**Dat verstaet sich selve / zijn liefde soude dupsentmael meerder off
grooter zijn tot een grooten hoope/ dan totten eenamen penninck.**

Legaet Gevaer Hulp-soeck.

**Ghy verstaet dan oock wel dat het goet worden van veel dupsens
Menschen/ beter en schoonder is dan van u allen / hoe macht dan zijn/
dat by u (sulcx wetende) geen meerder liefde tot het ghemeen beste/ dan
tot u alleen soude wesen. Ghy/ Kersten Goedaert/ zijt dan de Man
daer aen die Brieff hout/ ende dien ick soecke/ ende soodanige hoope ick
hier al meer te vinden marghen/ dus begeere ick dat ghy ten aenschou
van des gemeenen bestens noot/ u t'abont opten reyse rusten wilt / om
morghen vroech te trecken na den Landen onder mijns Heeren Gon-
bernemente wesende/ ick sal hier nae andere meer soodanighen lipden
spooren/ aensprecken ende bewilligen totter reysen om met henlipden
u te volghen.**

Kersten Goedaert.

**Off ick schoon al soodanich ware als ghy my aecht Heere / soo staet
te bedencken oft oock nut sy dat ick reyse.**

Legaet Gevaer Hulpsoeck.

Hoe soe?

Kersten

Kersten Goedaert.

Gheen verstandich Mensch doet wat vergheeffs / vergheeffs ducht
ick mijn reys te sullen zijn / want ick ben daer byden grooten Hansen
niet minder ghehaet dan de Vrouwe self / waer aff die Dorpgen den
n ame voert / wie sal my eenich gheloove gheben? Ende off ick ongeach-
te onghelerde ende ghelate Mensche noch schoon al wat nuts (dat
moghelyck in my niet en is) mochte aengheven / wat sal't vorderen ick
kenne der partijdigen bitterheyt soo groot op my / dat sy eer voor quaet
souden vervloecten / t' goet dat wt my mocht voort-comen / dan aenme-
nen / ende die alleen om dat het van my geseyt soude zijn / sulcke luyden
zijn noch meest (dits onlustich) soodanighe / dat sy selve hart noch herse-
nen en hebben om het nuts voor't ghemeyn beste voort te brenghen /
maer zijn Meesters om door een schijn van grooten yber tot hoozen
Godsdienst / oprechte Catholijcken off gheloovigen gheacht te worden /
die heb ick nu al dickmael inder daet bevonden niet lichterlijcken ach-
terclap in saecken daer ick niet behoorlijcken middelen t' gunt my nut
dochte oorbaerlijck aengaff / t' selve volck is nu noch in spel : wat ver-
wachte ick nu anders dan t' selverick ontfie gheene moeyten verachtin-
ge noch vervolch / maer haer verloren moeyten / die onbzuchtbaer blijvê.

Legaet Gevaer Hulp-foeck.

Treucht heen / hoopet beste / doet u beste / voor't ghemeen beste / Godt
sal't schicken in u leste.

Eynde den 17. Junij 1577.

EEN VVELGHESCHICKT LANT-SCHAP.

Daer d'Overheyt Godt eert, t'volcx nut mint vvaerdelijck,
Goey vvetten gheeft, loont en straft recht vvaerdelijck,
T'quade verhoet, en t'goede beneersticht vvijselijck,
d'Edelheys doecheden, boven snoode vvinften eert.
Niemanden verdruct, maer t'ghevvel manlijck afvveert,
Regeertmen t'Lant, Godtlijck, nutlijck en prijselijck.

Daer t'volck d'Overheyt ghehoorsaemt oprechtelijck
Haer goey wetten volcht vrywillich niet knechtelijck
Accijs en schattingh' betaelt sonder marmureren
Voor d'Overheyd' bidt datse God wil bewaren
Eendrachtich blijft sonder d'een d'ander te befwaren
Wett t'Lant gheseghent vanden Heere der Heeren,



